

2025 оны 04 сарын 26 өдөр

Дугаар 25/00 4

Улаанбаатар

Компанийн 2024 оны үйл ажиллагааны болон санхүүгийн  
тайлангийн талаарх ТУЗ-ийн гаргасан дүгнэлтийг батлах тухай

Монгол улсын Компанийн тухай хуулийн 62 дугаар зүйлийн 62.9 дэх заалтыг удирдлага  
болгон “Тэнгэр Даатгал” ХК-ийн 2024 оны жилийн үйл ажиллагааны болон санхүүгийн тайлантай  
танилцаж, тус тайлангийн талаарх Төлөөлөн Удирдах Зөвлөлийн гаргасан дүгнэлтийг хэлэлцсэний  
үндсэн дээр 2025 оны 04 сарын 26-ны өдрийн Хувьцаа эзэмшигчдийн ээлжит хурлыг Тогтоолын  
комиссын дүнг үндэслэн ТОГТООХ НЬ:

1. “Тэнгэр Даатгал” ХК-ийн 2024 оны жилийн үйл ажиллагааны болон санхүүгийн  
тайлангийн талаарх Төлөөлөн Удирдах Зөвлөлийн гаргасан дүгнэлтийг Хавсралт  
№1-ээр баталсугай.

ХУВЬЦАА ЭЗЭМШИГЧДИЙН  
ХУРЛЫН ДАРГА



Ш.ГАНТУЯА

**ТЭНГЭР ДААТГАЛ ХК-ИЙН 2024 ОНЫ ҮЙЛ АЖИЛЛАГАА БОЛОН  
САНХҮҮГИЙН ТАЙЛАНД ӨГӨХ ТӨЛӨӨЛӨН УДИРДАХ ЗӨВЛӨЛИЙН ДҮГНЭЛТ**

**ТӨЛӨӨЛӨН УДИРДАХ ЗӨВЛӨЛИЙН ДАРГА Ш.ГАНТУЯА**

“Тэнгэр Даатгал” ХК-ийн эрхэм харилцагч, хувьцаа эзэмшигч, хамтрагч ажиллагч та бүхэнд 2024 оны үйл ажиллагааны болон санхүүгийн тайланд өгсөн дүгнэлт, 2024 оны зорилго зорилтуудын гүйцэтгэлийг Төлөөлөн Удирдах Зөвлөлийн хурлаар хэлэлцэн баталсан дүгнэлтийг та бүхэнд танилцуулж байна.

**Санхүүгийн үйл ажиллагаа:**

“Тэнгэр Даатгал” ХК-ийн 2023 оны 12 сарын 14-ний өдрийн Төлөөлөн Удирдах Зөвлөлийн ээлжит хурлын №23/013 тоот тогтоолоор “Тэнгэр Даатгал” ХК-ийн 2024 оны Бизнес төлөвлөгөө, үйл ажиллагааны стратегийг баталсан. “Тэнгэр Даатгал” ХК нь 2024 онд 2024 онд Тэнгэр даатгалын нийт хураамжийн орлого нь 69%-иар өсөж, 28.1 тэрбум, цэвэр ашиг нь 39%-иар өсөж 7.2 тэрбум төгрөгийн татварын дараах цэвэр ашигтай ажилласан байна.

2024 онд хөрөнгө оруулалтын дүн 47.5 тэрбум₮-т хүрснээр хөрөнгө оруулалтын орлого өмнөх оноос 58%-иар нэмэгдэж, нийт хөрөнгө оруулалтын өгөөж 6.3 тэрбумд хүрч өмнөх оноос 71%-иар өссөн нь цэвэр ашиг 39%-иар өсөхөд нөлөөлсөн байна.

“Тэнгэр Даатгал” ХК-ийн 2024 оны санхүүгийн тайланг баталгаажуулах хөндлөнгийн аудитаар олон улсын “Нексия Глобал Монголиа Аудит” ХХК ажилсан бөгөөд “Тэнгэр Даатгал” ХК-ийн 2024 оны 12 сарын 31-ний өдрөөр тасалбар болгосон жилийн санхүүгийн үр дүн болон мөнгөн гүйлгээг бүх материаллаг зүйлсийн хувьд Санхүүгийн Тайлагналын Олон Улсын Стандарт - 17 /СТОУС-17/-ын дагуу үнэн, зөв бодитойгоор илэрхийлсэн гэж дүгнэсэн байна.

**Нийгмийн хариуцлагын хүрээнд хийгдсэн ажил:**

Үүний зэрэгцээ “Тэнгэр Даатгал” ХК нь нийгмийн хариуцлагын хүрээнд дараах төслүүдийг хэрэгжүүлж байна:

- **eDoctor** – Монголын хамгийн анхны эрүүл мэндийн цогц платформ юм. Улс орны хувьд ард иргэдэд эрүүл мэндийн боловсрол олгож хэрхэн өвчин эмгэгээс урьдчилан сэргийлэх, хамгаалах зэрэг мэдлэгийг олгох нь нэн чухал асуудал байдаг. Уг хэрэгцээ шаардлагад үндэслэн бид бүх насныханд зориулсан эрүүл мэндийн боловсрол олгох цогц платформыг нэвтрүүлсэн билээ. Бид өдгөө 1.5 сая гаруй тогтмол уншигчтай болсон бөгөөд мэргэжлийн эмч нарын бэлтгэсэн 250 гаруй өвчний дэлгэрэнгүй мэдээлэл, 100 гаруй зөвлөмж нийтлэл, шинж тэмдэг дээр суурилсан өвчний асуумж ба зөвлөмж, эрүүл мэндийн тооцоолуур, эмнэлэг хайх зэрэг олон зүйлийг нэг дор багтаасан өргөн мэдээллийн сантай болоод буй.
- **ASUUNA**- Өсвөр нас бол эрсдэлтэй зан үйлд татагдах хамгийн өндөр эрсдэлтэй үе байдаг тул

энэ хугацаанд хүүхдийг үнэн зөв, баталгаатай, мэргэжлийн мэдээллээр хангах нь чухал юм. Уг хэрэгцээ шаардлагад үндэслэн бид 2022 оноос эхэлж ASUUNA платформыг хэрэглээнд нэвтрүүлээд байна. Энэхүү платформ нь 13-18 насны хүүхдүүдэд эрүүл мэнд, үерхэл нөхөрлөл, сэтгэл зүй, өсвөр насны хөгжлийн онцлогтой холбоотой үүсдэг олон асуултуудад мэргэжилтнүүдийн бэлтгэсэн хариултыг хүргэдэг.

- **ТЭНГЭР ТӨГӨЛ-** Бид 2021 онд нийт харилцагч, түншүүдтэйгээ хамтран мод тарьж, байнгын усалгаатай төгөл байгуулсан. Тодруулбал Үндэсний цэцэрлэгт хүрээлэнд 3 га газарт өөрийн нэрэмжит Тэнгэр Төгөлийг байгуулж мод тарих, тохижуулах, усалгааны системийг нь бүрэн шийдэж, тарьсан модны арчилгааг бүрэн хариуцан ажиллаж байна. 2023 оны хаврын тарилтад Шар хуайс (60ш), Бургас (60ш), Голтбор (60), Гүйлс (70ш) зэрэг 4 төрлийн мод тарьснаар нийтдээ 11 төрлийн 1,550ш модтой боллоо. Мод дагаж ус, ус дагаж амьдрал гэдэг. "Тэнгэр Даатгал" ХХК-ийн хамт олон ирээдүй хойч үсдээ амьсгалах цэвэр агаар, ногоон байгууламжийг үлдээх зорилго өвөрлөн "Тэнгэр Төгөл"-ийг жилээс жилд өргөжүүлж, модны ургалтад анхаарал хандуулан ажилласаар байх болно.
- **Амь эрсэдсэн 3 албан хаагчийн ар гэрт мөнгөн тусламж олгов-** Өргөсөн тангарагтаа үнэнчээр зүтгэн, албан үүргээ гүйцэтгэж яваад харамсалтайгаар амь насаа алдсан Баянзүрх дүүргийн Онцгой байдлын алба хаагчдын ар гэрт Тэнгэр Даатгалаас нийт 150 сая тогрогийн буцалтгүй мөнгөн тусламж олгов. Эдгээр эрсдэлийн баатрууд нь өөр даатгалын компанид даатгалтай байж магадгүй боловч үүнийг үл харгалзан "Тэнгэр Даатгал" ХХК-ийн зүгээс эрсдэлийг бууруулахын төлөө мөр зэрэгцэн зүтгэдэг зорилго нэгт гурван нөхдийнхөө гэгээн дурсгалд зориулан энэхүү мөнгөн тусламж олгов.

2024 онд "Тэнгэр Даатгал" ХК-ийн Гүйцэтгэх удирдлагын баг бизнес төлөвлөгөөний зорилт, стратегийг биелүүлэхийн тулд өөрсдийн нөөц бололцоогоо бүрэн дүүрэн ашиглан ажилласан тул **Компанийн үйл ажиллагааны болон санхүүгийн тайланг хангалттай гэж дүгнэсүгэй.**